

Datum: 22.01.2019.

Broj: 02-06-754

Nacrt Zakona o imovini javnih funkcionera KS neusklađen sa drugim propisima i međunarodnim preporukama

TI BiH posebno naglašava da je nedavno pokrenuta inicijativa za kreiranje i usvajanje novog Zakona o sukobu interesa Federacije BiH, te da bi predložena rješenja u Kantonu Sarajevu mogla dovesti do međusobne kolizije ovih propisa.

Banja Luka, 22.1.2019. – Transparency International u Bosni i Hercegovini (TI BiH) uputio je dopis Vladi i Skupštini Kantona Sarajeva (KS) ističući da Nacrta Zakona o prijavljivanju, utvrđivanju porijekla i kontroli imovine izabranih i imenovanih funkcionera, nosilaca izvršnih funkcija i savjetnika u Kantonu Sarajevu (Nacrt Zakona) nije usklađen sa drugim zakonskim propisima.

TI BiH posebno naglašava da je nedavno pokrenuta inicijativa za kreiranje i usvajanje novog Zakona o sukobu interesa Federacije BiH, te da bi predložena rješenja u Kantonu Sarajevu mogla dovesti do međusobne kolizije ovih propisa. Relevantne međunarodne institucije i organizacije (Evropska komisija, GRECO, itd.) već godinama ističu da je neophodno harmonizovati propise u vezi sa sukobom interesa i kontrolom imovinskih kartona. Sam Nacrt Zakona ne tretira pitanje načina ispitivanja porijekla imovine, i uglavnom se bavi podnošenjem izvještaja o imovinskom stanju. Predviđena tijela (Vladin Ured za borbu protiv korupcije i upravljanja kvalitetom i Komisija za nadzor sastavljena od parlamentaraca) koja bi trebala primjenjivati zakon provjerom porijekla imovine ili sastavljanjem izvještaja ne mogu se smatrati nezavisnim institucijama.

TI BiH pozdravlja najavljene aktivnosti Vlade KS na polju borbe protiv korupcije, ali apeluje da je prije usvajanja zakona neophodno organizovati šire konsultacije sa svim relevantnim međunarodnim i domaćim institucijama, kao i sa civilnim društvom i stručnom javnošću.